

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ
OPĆINSKI NAČELNIK



Bosnia and Herzegovina
Federation of Bosnia and Herzegovina
ZENICA – DOBOJ CANTON
The MUNICIPALITY of MAGLAJ
MUNICIPALITY MAYOR

INFORMACIJA

o sanaciji nastalih šteta na području općine Maglaj usljed prirodne nepogode
od 05/06.05.2018.godine

Maglaj, juli 2018.godine

OBRAĐIVAČ
Služba za urbanizam,geodetske
i imovinsko,pravne poslove

UVOD

Dana 05 i 06.05.2018.godine područje općine Maglaj je pogodilo nevrijeme sa velikom količinom kiše koja je padala u kratkom vremenu.

Pogođeni su dijelovi općine Maglaj i to mjesne zajednice MZ Maglaj grad sa Starim gradom i Omerdinim Poljem, Jablanica, BijelaPloča, Donji i Gornji Rakovac, Moševac, Ravna, Oruč, Misurići i Liješnica kao i dijelove drugih mjesnih zajednica ali sa nešto manjim štetama u odnosu na pomenute mjesne zajednice.

Obilna kiša je prouzročila izlivanje rijeke Jablanice, Bistrice i Liješnice koje su se pretvorile u bujice i iste su načinile štetu na svom toku na stambenim i pomoćnim objektima, na poljoprivredi i na putnoj infrastrukturi. Istovremeno su se površinske padavinske vode slijevale sa viših terena i na svom putu nanijele veliku štetu naročito na lokalnim i nekategorisanim putevima. Došlo je do odnošenja posipnog materijala na makadamskim putevima, zatrpani su propusti i kanali uz puteve, a oštećeno je i nekoliko mostova na rijeci Bistrici i Jablanici.

PROGLAŠENO STANJE PRIRODNE NESREĆE

Na prijedlog Općinskog štaba civilne zaštite, Općinski Načelnik je donio Odluku o proglašenju stanja prirodne nesreće „poplava i klizišta“ broj 01-49-1046/18 od 06.05.2018.godine.

Područja pogođena prirodnom nesrećom su: MZ Maglaj grad sa Starim gradom i Omerdinim Poljem, Jablanica, BijelaPloča, Donji i GornjiRakovac, Moševac, Ravna, Oruč, Misurići i Liješnica.

AKTIVNOSTI NA SANACIJI ŠTETA

Tokom dešavanja elementarne nepogode, angažirane su snage i sredstva civilne zaštite (Profesionalna vatrogasna jedinica Maglaj i snage i sredstva KJD Maglaj) te preduzeća „Hajdić“ doo Maglaj i “Geo put” doo Maglaj.

U nedjelju 06.05.2018.godine uz angažovanje mehanizacije, su vršene hitne mjere sanacije na lokalnim putevima i mostovima da bi se što prije uspostavilo normalno odvijanje saobraćaja.

Nakon raščišćavanja terena od poplava, stručna lica općine Maglaj su izvršila snimanje stanja oštećenja lokalnih i nekategorisanih puteva po mjesnim zajednicama i predložila da se izvrše neophodne mjere na sanaciji putnih pravaca koje se odnose na :

- Čišćenje odrona i kanala i propusta nakon oštećenja putnih pravaca od elementarnih nepogoda
 - Čišćenje korita rijeka Jablanica i Liješnica i vađenje drveća iz rijeke koja su se u nanosima zakačila za konstrukciju mosta
 - Nasipanje trupa puta odgovarajućim kamenim materijalom krečnjačkog porijekla
 - Izvršena zamjena tla na određenim dijelovima trase radi stabilnosti puta
 - Nivelisanje trase puta podužno i poprečno sa nasipanjem tamponskog sloja
 - Sanacija i popravka asfaltnih puteva
 - Izvršena sanacija i asfaltiranje putnog pravca prema naselju „Nalići“ u dužini 118 m
 - Izvršena sanacija i rekonstrukcija putnog pravca za Gornji Moševac u dužini od 384 m
- Na ovom putnom pravcu izvedeni su radovi na formiranju novih kanala i pročišćavanju postojećih kanala i putnih propusta, vršena zamjena tla na određenim dijelovima trase radi stabilnosti, nivelisanje kompletne trase podužno i poprečno sa nasipanjem tanponskog sloja u prosječnoj debljini 30 cm i asfaltiranje BNS 22 debljine 7 cm.

-Započete aktivnosti na izgradnji mosta „Begići“ i mosta u zaseoku „Husukići“ MZ Jablanica. Finansiranje na izgradnji ova dva mosta su obezbjeđena iz sredstava Kantonalne uprave Civilne zaštite Zenica, općine Maglaj i vlastitih sredstava građana

-Započeti radovi na rekonstrukciji mosta Fojnica – Bradići. Ovom dionicom puta, kao i preko samog mosta, prolazi veći broj automobila, autobusa, kamiona i pješaka. Put povezuje tri općine Maglaj, Žepče i Zavidovići što i govori o njegovoj frekventnosti. Za ove radove obezbjeđena su sredstva iz Budžeta općine Maglaj.

-Započeti radovi na izgradnji dva potporna zida na dionici puta M17-Ravna na rijeci Bistrici koji se finansiraju iz sredstava Kantonalne uprave Civilne zaštite Zenica.

Proceduru izbora izvođača za izgradnju dva potporna zida na rijeci Bistrica i izgradnju mosta u zaseoku “Husukići” MZ Jablanica, provela je Kantonalna uprava Civilne zaštite Zenica.

PROVOĐENJE POSTUPKA JAVNE NABAVKE

-Za izvođenje radova na **hitnoj** sanaciji šteta nakon prirodne nesreće, provedena je procedura Zakona o javnim nabavkama na osnovu kojih su zaključeni Ugovori o izvođenju radova na sanaciji šteta od elementarnih nepogoda, i to:

1. Ugovor broj 01-49-1046-2/18 od 07.05.2018. godine za hitnu sanaciju šteta od elementarnih nepogoda u iznosu od 72.000,00 KM .Sredstva su obezbjeđena iz Budžeta općine Maglaj I viših nivoa vlasti. Izvršilac radova je firma „Hajdić“ doo Maglaj uz konstantan Nadzor općine Maglaj.
2. Ugovor broj 01-49-624-4/18 od 25.05.2018. godine o izvođenju radova na sanaciji i rekonstrukciji oštećenog mosta na rijeci Megari, MZ Jablanica, naseljeno mjesto “Begići” u iznosu od 44.380,29 KM. Sredstva za izvođenje predmetnih radova su obezbjeđena od strane Kantonalne uprave Civilne zaštite, općine Maglaj i vlastitog učešća građana MZ Jablanica.

Što se tiče ostalih aktivnosti na sanaciji šteta od elementarnih nepogoda, nakon provedene procedure Zakona o javnim nabavkama, u fazi je postupak zaključivanja Ugovora sa najpovoljnijim ponuđačem na slijedećim projektima:

1. Izrada glavnog projekta mosta preko rijeke Jablanice u naselju Barakovići MZ Jablanica i izrada glavnog projekta potpornih zidova na sanaciji putnog pravca M-17 Ravna uz rijeku Bisticu,
2. Izvođenje radova na čišćenju korita rijeke Jablanice od nanosa, pijeska, šljunka, kamena i sl. od mosta do bunkera na Bijeloj Ploči do iznad kuće „Husukića“ u MZ Jablanica
3. Izgradnja AB kanala sa lijeve strane lokalnog puta Bijela Ploča-Jablanica u MZ Bijela Ploča
4. Rušenje AB brane na rijeci Jablanica u naselju Bijela Ploča općina Maglaj
5. Izrada AB Ploče ispod podvožnjaka, put Kačara, radi stabilizacije puta od udara velikih voda
6. Izrada AB krila pet mosta na rijeci Bistrica općina Maglaj
7. Izrada odvodnog AB kanala od TS prema Moševcu u MZ Moševac općina Maglaj
8. Izrada obalnih potpornih zidova u MZ Bočinja općina Maglaj
9. Izgradnja lokalnog puta uz potok Stočke MZ Kosova općina Maglaj
10. Izvođenje radova na sanaciji i rekonstrukciji lokalnog puta u MZ Straište općina Maglaj
11. Izvođenje radova na sanaciji i rekonstrukciji dijela asfaltnog puta na Čaršiji
12. Izvođenje radova na sanaciji i rekonstrukciji lokalnog puta Ravna L=270 m
13. Izvođenje radova na sanaciji i rekonstrukciji lokalnog puta Kopice, nastavak betoniranog puta L= 97,0 m, sa dva prekida na betonskom putu
14. Izvođenje radova na sanaciji i rekonstrukciji lokalnog puta Lipić L=136 m

Za navedene aktivnosti obezbjedena su sredstva u iznosu od **260.233,00 KM** i to od strane :


- Vlade Federacije BiH –Odluka o dodjeli finansijske pomoći broj 767/2018 od 07.06.2018.godine za sanaciju posljedica prirodne nesreće u iznosu od 200.000,00 KM
- Federalna uprava CZ po Odluci o isplati akontacije jednokratne pomoći broj 05-14/36-268/2018 od 22.06.2018.godine u iznosu od 20.000,00 KM
- Ministarstvo za poljoprivredu, šumarstvo i vodoprivredu Zenica iz sredstava od Koncesija u iznosu od 11.175,27 KM
- Vlada ZDK iz sredstava „naknada za korištenje državnih šuma“ u iznosu od 29.058,00 KM
- Općina Centar Sarajevo –Ugovor “o dodjeli finansijskih sredstava za sanaciju putne komunikacije na dionici Bistrica-Ravna” u iznosu od 20.000,0 KM.

Ukoliko obezbjedena sredstva ne budu dovoljna za realizaciju navedenih projekata, Općina Maglaj će uz pomoć viših nivoa vlasti pokušati obezbjediti nedostajući dio sredstava kako bi privela kraju započete aktivnosti na sanaciji šteta na području općine Maglaj nastalih usljed prirodne nepogode.

Obzirom da je Općina Maglaj kandidovala prema višim nivoima vlasti i druge projekte na infrastrukturnim objektima koji su oštećeni u navedenim poplavama, te ukoliko budu odobrena tražena sredstva, ista će biti utrošena za sanaciju šteta nastalih usljed prirodne nepogode u maju 2018.godine , o čemu će te biti informisani u narednom periodu.

Informaciju pripremila:

Meliha Šahbaz



Kontrolisao: Fuad Hajrulahović



OPĆINSKI NAČELNIK

Mirsad Mahmutagić

